



QQI

Quality and Qualifications Ireland
Dearbhú Cáilíochta agus Cáilíochtaí Éireann

LEABHRÁN EOLAIS D'IARRTHÓIRÍ

Comórtas Oscailte chun

Ceann Comhpháirtíochtaí a Cheapadh

An Dáta Deiridh: 14 Aibreán 2023

**Déan teagmháil le: Celine Kelly,
Bainisteoir, AD**

Stádas an Chonartha:

Tá Dearbhú Cáilíochta agus Cáilíochtaí Éireann (QQI) ag féachaint le hardphost buan ceannaireachta mar Cheann Ceannpháirtíochtaí a líonadh. Déanfaidh an té a cheapfar bainistiú ar fheidhmeanna an Údaráis maidir le Rannpháirtíocht Páirtithe Leasmhara agus Cumarsáid. Is féidir go gcuirfear painéal i dtoll a chéile go ceann 12 mhí mar thoradh ar an gcomórtas seo.

**Údarás:
Éireann**

Dearbhú Cáilíochta agus Cáilíochtaí

Suíomh:

26 – 27 Lána Denzille, BÁC 2

AN CLÁR

MAIDIR LE DEARBHÚ CÁILÍOCHTA AGUS CÁILÍOCHTAÍ ÉIREANN (QQI)	4
SONRAÍOCHT AN PHOIST	6
PRÍOMHCHOINNÍOLLACHA SEIRBHÍSE	8
CUID II (COINNÍOLLACHA EILE A BHAINNEANN LE DAOINE A CHEAPFAÍ SA PHOST SEO)	9
AN PRÓISEAS IOMAÍOCHTA	122
RÚNDACHT	133
NA HACHTANNA UM CHOSAINT SONRAÍ, 1988 AGUS 2018	144

Maidir le Dearbhú Cáilíochta agus Cáilíochtaí Éireann (QQI)

Is é QQI an ghníomhaireacht stáit faoin Roinn Breisoideachais agus Ardoideachais, Taighde, Nuálaíocht agus Eolaíochta atá freagrach as:

- Cáilíocht, ionracas agus cáil chóras breisoideachais agus ardoideachais na hÉireann a chur chun cinn.
- A chinntiú go mbainfidh foghlaimeoirí cáilíochtaí amach a bhfuil meas orthu go náisiúnta agus go hidirnáisiúnta.
- Eolas iontaofa ar na cáilíochtaí atá san áireamh sa Chreat Náisiúnta Cáilíochtaí a chur ar fáil.

Tá roinnt feidhmeanna tábhachtacha ag QQI:

Déantar cáilíochtaí

I réimse na gcáilíochtaí, táimid freagrach as an [CNC](#) (An Creat Náisiúnta Cáilíochtaí) deich leibhéal a chothabháil. Is comhlacht dámhachtana muid, leis, agus déanaimid caighdeáin na ndámhachtainí a dhéanaimid sa CNC a shocrú agus a athbhreithniú. Cuirimid comhairle ar fáil, leis, ar aitheantas do cháilíochtaí eachtracha in Éirinn agus ar aitheantas do cháilíochtaí Éireannacha thar lear. Foilsíonn QQI eolaire de sholáthraithe agus de dhámhachtainí an CNC.

Dearbhú Cáilíochta

Táimid freagrach as athbhreithniú a dhéanamh ar a éifeachtaí atá dearbhú cáilíochta i soláthraithe breisoideachais agus ardoideachais agus oiliúna, lena n-áirítear:

- ollscoileanna,
- ollscoileanna teicneolaíochta,
- institiúidí teicneolaíochta,
- Boird Oideachais agus Oiliúna (BOOnna)

Déanaimid cáilíochtaí soláthraithe sna hearnálacha príobháideacha breisoideachais agus ardoideachais agus oiliúna a dhearbhu, leis, agus ceadaímid cláir dá gcuid as a leanann dámhachtainí QQI.

Fís, Misean agus Luachanna

Ár bhFís – Táimid tiomanta d'fhís d'Éirinn ina dtairgtear deiseanna éagsúla breisoideachais agus ardoideachais d'ardchaighdeán, a chuireann ar chumas foghlaimeoirí a lánacmhainneacht a bhaint amach trí cháilíochtaí a bhfuil luach orthu go forleathan sa bhaile agus i gcéin a bhaint amach.

Ár Misean – Cothaímid muintín an phobail as cáilíocht, ionracas agus dea-cháil soláthraithe breisoideachais agus ardoideachais na hÉireann agus soláthraímid faisnéis údarásach ar an raon éagsúil cáilíochtaí atá san áireamh sa Chreat Náisiúnta Cáilíochtaí.

Ár Luachanna – Bunaímid ár gcur chuige i leith ár gcuid oibre féin agus an tslí a oibrímid lenár ngeallsealbhóirí ar luachanna soiléire.

Creidimid go bhfuil freagracht i bpáirt againn le grúpaí eile chun muinín i gcáilíocht an oideachais agus na hoiliúna agus feabhsúchán leanúnach iontu a chinntiú. Creidimid gur fearr ár dtosaíochtaí agus ár gcuspóirí a bhaint amach trí chomhoibriú agus oibriú go cuiditheach lenár gcomhpháirtithe agus soláthraithe éagsúla. Is mór againn comhpháirtíochtaí ar mhaithe le leas frithpháirteach.

Geallaimid meas a léiriú ar oibiachtúlacht, trédhearcacht agus inbhuanaitheacht inár gcuid oibre. Is é sin an bonn lenár gcinnteoireacht agus lenár mbeartais, nósanna imeachta agus gníomhaíochtaí. Bunaítear iad ar fhianaise, agus ar dhea-chleachtas náisiúnta agus idirnáisiúnta, agus seoltar iad ar shlí atá trédhearcach agus go gcothaíonn siad muinín.

Geallaimid difríocht a dhéanamh dár gcomhpháirtithe, dár soláthraithe agus dár bpobail. Is mór againn an fhaisnéis, an léargas agus an tionchar – an tslí a gcomhlíontar spriocanna agus cuspóirí as a leanann tionchar dearfach substaintiúil ar ár dtimpeallacht oibre.

Is eagraíocht muid atá ag foghlaim. Táimid tiomanta don nuáil agus don bharrmhaitheas.

Ag obair do Dhearbhú Cáilíochta agus Cáilíochtaí Éireann

Tá ár n-earnálacha breisoideachais agus ardoideachais ag athrú i gcónaí, ag glacadh róil nua, dinimiciúla agus chomhlántacha go náisiúnta agus go réigiúnach. Trí mheán ár ngníomhaíochtaí dearbhaithe cáilíochta, feabhsúcháin agus athbhreithnithe le soláthraithe, tá ról tábhachtach ag QQI maidir le trédhearcacht a sholáthar, muinín a chothú agus tacú le barr feabhais a bhaint amach in institiúidí oideachais agus oiliúna. Tugann gairm leis QQI deis uathúil chun seirbhísí agus rialáil thábhachtach a sholáthar ar fud na hearnála breisoideachais agus oiliúna agus san earnáil ardoideachais araon.

Is eagraíocht dearbhaithe cáilíochta, foras cáiliúcháin agus údarás cáilíochtaí é QQI. Chun fanacht ar an eolas faoi fhorbairtí ar fud an domhain agus ár gcuid oibre féin a phlé in Éirinn, faigheann foireann QQI páirt mar bhaill ghníomhacha de roinnt líonraí idirnáisiúnta um dhearbhu cáilíochta agus comhlachais cáilíochtaí.

Ár Straitéis

Cuimsíonn [Ráiteas Straitéise 2022–2024](#) QQI mórchuid dúshlán don eagraíocht ar go leor slite. Cuirfidh QQI an ról méadaithe agus an sainchúram méadaithe a thugtar don eagraíocht leis an Acht um Cháilíochtaí agus Dearbhú Cáilíochta (Leasú) 2019 i bhfeidhm i roinnt réimsí lena n-áirítear:

- Liostóidh QQI forais cháiliúcháin amhail forais ghairmiúla nó forais idirnáisiúnta cháiliúcháin agus cuirfear a gcáilíochtaí san áireamh ar an gCNC.
- Bonn dlíthiúil don QQI chun oiriúnacht soláthraithe oideachais agus oiliúna a scrúdú, lena n-áirítear comhlíonadh an dlí idirnáisiúnta fostaíochta.
- Marc Idirnáisiúnta Oideachais le haghaidh earnálacha an Ardoideachais agus Mhúineadh an Bhéarla.

- Scéim náisiúnta a bhunófar chun foghlaimoirí cláraithe a chosaint i gcás ina ndúnann soláthraí go tobann.
- Ionchúiseoidh QQI muilte aistí agus cineálacha eile caimiléireachta acadúla.
- Institiúidí teicneolaíochta a bhunú mar fhorais neamhspleách cháiliúcháin.
- Cosáin trínar féidir le hinstiúidí príobháideacha ollscoil a thabhairt orthu féin.

Comhthéacs don Phost mar Cheann Comhpháirtíochtaí

Is ról ceannaireachta sinsearach é an Ceann Comhpháirtíochtaí agus bainisteoidh an duine a cheapfar feidhmeanna an Údaráis maidir le rannpháirtíocht páirtithe leasmhara agus cumarsáide.

Beidh na cúraimí seo a leanas ar an gCeann Comhpháirtíochtaí:

- Caidreamh a fhorbairt ag ardleibhéal le príomhpháirtithe leasmhara lena n-áirítear ranna rialtais, gníomhaireachtaí náisiúnta agus idirnáisiúnta, comhlachtaí ionadaíochta oideachais agus oiliúna agus eagraíochtaí ionadaíochta foghlaimoirí.
- Caidreamh a fhorbairt agus a chothabháil le príomheagraíochtaí mar na hinstiúidí oideachais agus oiliúna agus comhlachtaí gairmiúla, reachtúla agus rialála chun cáilíocht an oideachais agus na hoiliúna a fheabhsú.
- Rialú agus feabhsú ar ionracas acadúil.
- Maoirseacht a dhéanamh ar chlár gníomhaíochtaí, imeachtaí agus tionscadal feabhsaithe cáilíochta.
- Tacú le cumarsáid inmheánach agus sheachtrach.

Beifear ag súil freisin go ndéanfaidh an Ceannaire Comhpháirtíochtaí:

- Páirt ghníomhach a ghlacadh in aon ghrúpa tionscadail ad hoc trasghnó chun beartais agus gníomhaíochtaí gaolmhara a fhorbairt agus a chur i bhfeidhm.
- Páirt a ghlacadh i struchtúir inmheánach rialála.
- QQI a ionadú ar leibhéal náisiúnta agus idirnáisiúnta mar chuid den ról.

Sonraíocht an phoist

Is post ceannaireachta é seo sa ghníomhaireacht agus laistigh d'oideachas agus d'oiliúint náisiúnta agus idirnáisiúnta. Léireoidh an t-iarrthóir a roghnófar meascán d'inniúlachtaí suntasacha bainistíochta agus forbartha beartais.

Eolas agus Taithí Riachtanach

Cáilíochtaí agus Taithí – Riachtanach

Caithfidh an t-iarrthóir idéalach a bheith in ann a léiriú go bhfuil na nithe seo a leanas acu:

- Taithí ar oideachas agus oiliúint ag leibhéal bainistíochta.
- Tuiscint ar thosaíochtaí beartais in oideachas agus oiliúint náisiúnta agus idirnáisiúnta.
- Bheith oilte go céim máistreachta (CNC, Leibhéal 9) nó a coibhéis.
- Scileanna láidre cumarsáide ó bhéal agus scríofa.
- Teist ar fhorbairt beartais agus nósanna imeachta.
- Cumas ceannaireachta agus scileanna bainistíochta oibriúcháin.

Cáilíochtaí agus Taithí

- Caidreamh a fhorbairt agus a mhúnlú ar ardleibhéal le príomhpháirtithe leasmhara.
- Pleananna fadtéarmacha a fhorbairt chun tionchar a imirt ar phríomhpháirtithe leasmhara.
- Straitéisí a chur i bhfeidhm chun idirbheartaíocht éifeachtach a dhéanamh le príomhpháirtithe leasmhara inmheánacha agus seachtracha.
- Réimse de riachtanais pháirtithe leasmhara atá casta agus iomaíoch go minic a shainaitheint agus a bhainistiú agus réitigh nuálacha a éascú chun saincheisteanna príomhpháirtithe leasmhara a réiteach.

Cáilíochtaí Pearsanta

Ina theannta sin, iarrfar ar iarrthóirí a thaispeáint go bhfuil na scileanna/inniúlachtaí breise acu a shainaitheintear a bheith tábhachtach don ról. Ina measc sin tá:

- Ceannaireacht agus Treorú Straitéiseach
- Breithiúnas agus Cinnteoireacht
- Bainistíocht agus Seachadadh Torthaí
- Eolas Speisialtóra ar Chaidreamh a Fhorbairt agus Cumarsáid,
- Saineolas & Féinfhorbairt
- Tiomantas agus Dílseacht i leith Luachanna Seirbhíse Poiblí

Sochair d'Fhostaithe

Dála mórchuid fostóirí, tá QQI ag teacht chuige féin as tréimhse fhíordhúshlánach i ngeall ar phaindéim COVID-19. Mar sin féin, bhíomar in ann oiriúnú d'obair ó bhaile go tapa agus go héifeachtach mar gheall ar ár n-infheistíocht leanúnach sa teicneolaíocht agus in inoiriúnaitheacht agus i solúbthacht ár bhfostaithe. Tá polasaí oibre cumaisc píolótach á **chur i bhfeidhm** againn faoi láthair ina roinnfidh ár bhfostaithe a gcuid ama idir freastal ar an ionad oibre agus oibriú go cianda.

Is mór againn ár bhfostaithe agus infheistimid ina sláinte, ina leas agus ina sábháilteacht ag an obair agus déanaimid soláthar do Chlár Cúnaimh d'Fhostaithe. Tugaimid tacaíocht agus spreagadh dár bhfoireann chun a lánacmhainneacht a bhaint amach trí dheiseanna oideachais agus oiliúna san ionad oibre agus lasmuigh de. Cuirimid uaireanta solúbtha, obair dhúshlánach agus tairbhí ar fáil freisin a chuimsíonn:

- Ballraíocht i Scéim Aoisliúntais
- Scéim Saoire Bhreitheachta
- Obair ón mBaile
- Scéim do Bhliain Oibre níos Giorra
- Saoire Mháithreachais
- Saoire Tuismitheora
- Saoire Tuismitheoirí
- Sosanna Gairme
- Saoire Scrúduithe agus Staidéir

Déanaimid soláthar don iliomad roghanna coigilte cánach do sholáthraithe iompair éagsúla. Táimid páirteach sa scéim Rothar chun na hOibre agus éascaímid roinnt asbhaintí árachais sláinte agus asbhaintí párolla eile.

KeepWell Mark

Tá aitheantas faighte ag QQI ó IBEC as a ndáiríre atáimid faoi fholláine na bhfostaithe. Is aitheantas é an dámhachtain seo go dtugann QQI tús áite d'fholláine na bhfostaithe i mbeartas na heagraíochta.



Is Fostóir Comhdheiseanna é QQI

Gheofar tuilleadh eolais ar obair Dhearbhú Cáilíochta agus Cáilíochtaí Éireann ag www.qqi.ie

Príomhchoinníollacha Seirbhíse

Cuid 1 (Coinníollacha a bhaineann go sonrach leis an bpost seo)

Pá

Seo a leanas an scála tuarastail don phost seo:

€88,008, €90,777, €93,538, €96,306, €99,075, €101,838, €104,601, €107,369, €110,130, €113,150

Féadfar breiseanna a dhámhadh faoi réir sheirbhís shásúil agus athruithe sna téarmaí agus coinníollacha maidir le breiseanna tuarastail sa tSeirbhís Shibhialta/Phoiblí i gcoitinne.

Féadfar an ráta pá a mhionathrú ó am go chéile ar aon dul le beartas pá an Rialtais.

Tuarastal:

Déanfar an ceapachán ar an scála tuarastail ag pointe atá ar aon dul le beartas pá reatha an Rialtais. Tosóidh iontrálaithe nua isteach sa státseirbhís nó san earnáil phoiblí, mar a shainítear iad i gCiorclán 18/2010, ar an gcéad phointe den scála tuarastail.

Is féidir go mbeidh pá agus coinníollacha difriúla i bhfeidhm, má bhí an ceapaí ina státseirbhíseach nó ina sheirbhíseach poiblí roimh an cheapachán.

Saoire Bhliantúil:

30 lá oibre a bheidh sa tsaoire bhliantúil. Níl laethanta saoire phoiblí san áireamh ansin.

Uaireanta Tinrimh:

Beidh na huaireanta oibre de réir ghnáthshocruithe QQI agus ionann agus líon uaireanta nach lú ná 35 (glan ar shosanna) sa tseachtain.

Ní íocfar aon suim bhreise as tinreamh breise toisc go gclúdaíonn an ráta luach saothair aon tinreamh breise eisceachtúil a d'fhéadfadh a bheith de dhíth ó am go chéile.

Cuid II (Coinníollacha eile a bhaineann le daoine a cheapfaí sa phost seo)

1. **Tionacht:** Post buan in QQI a bheidh anseo.

Ní mór don té a cheapfar tréimhse phromhaidh a chomhlíonadh, a mhairfidh sé mhí de ghnáth. Má bhíonn seirbhísí an cheapaí sásúil ó thaobh sláinte, iompar agus éifeachtúlacht i gcoitinne le linn na tréimhse promhaidh, ceapfar an duine sin ar bhonn buan ag deireadh na tréimhse. Má bhíonn an tseirbhís neamhshásúil, féadfar an ceapachán a fhoirceannadh uair ar bith le linn na tréimhse promhaidh.

2. **Dualgais:** Beifear ag súil go gcomhlíonfaidh an té a cheapfar gach dualgas a bhaineann leis an bpost seo (a d'fhéadfaí a athbhreithniú ó am go chéile).

3. **Fostaíocht Lasmuigh den Eagraíocht** Post lánaimseartha é seo agus ní mór don té a cheapfar aon bhaint le fostaíocht/leasanna gnó lasmuigh a sheachaint, más amhlaidh go bhfuil siad nó go bhféadfaidís a bheith i gcoimhlint. Ní mór soiléiriú a iarraidh ón lucht bainistíochta má tá amhras ann.

4. **Saoire Bhreiteachta:** Is féidir saoire bhreiteachta ar phá iomlán a cheadú faoi lánrogha Dhearbhú Cáilíochta agus Cáilíochtaí de réir nósanna imeachta bunaithe agus coinníollacha don tseirbhís phoiblí i gcoitinne.

5. **Scor agus Aoisliúntas:** Tairgfear téarmaí pinsin agus coinníollacha aoise pinsin na seirbhíse poiblí don té a cheapfar de réir na socruithe pinsin in QQI ag brath ar stádas an té a cheapfar:

- a) I gcoitinne, beidh duine nach bhfuil aon stair seirbhíse poiblí inphinsin aici nó aige sna 26 seachtain roimh an cheapachán ina bhall den Scéim Pinsin Aonair Seirbhíse Poiblí (An Scéim Aonair) a thosaigh an 1 Eanáir 2013 (tagraíonn Alt 10 den Acht um Pinsin Seirbhíse Poiblí (Scéim Aonair agus Forálacha Eile) 2012 di);
- b) Beidh duine ar bith atá ar iasacht ina bhall i gcónaí de scéim pinsin na máthairchuideachta agus bunófar an tuarastal inphinsin ar a ghrád nó a grád substaintiúil .i. an grád ag a bhfuil an duine sin fostaithe ina m(h)áthairchuideachta.
- c) Duine ar bith a bhí ina bhall de “scéim pinsin seirbhíse poiblí atá ann cheana” mar a fhorléireofar san Acht um Pinsin na Seirbhíse Poiblí (Scéim Aonair agus Forálacha Eile) 2012 agus nach gcáilíonn do bhallraíocht sa Scéim Aonair, beidh sé nó sí ina bhall de Scéim Pinsin Foirne QQI agus de Scéim Ghaolmhar na gCéilí agus na Leanaí;
- d) An uair a thairgfear an ceapachán, déanfaidh QQI i gcomhar leis an Roinn Oideachais & Scileanna agus an Roinn Caiteachais Phoiblí & Athchóirithe, más gá, i bhfianaise stair fostaíochta Sheirbhís Phoiblí an té a cheapfar roimhe seo agus/nó stair fostaíochta eile), na téarmaí agus coinníollacha cuí pinsin a chinnfidh a chuirfear i bhfeidhm go ceann thréimhse an cheapacháin. Ceanglófar ar cheapaithe a stair iomlán seirbhíse poiblí a nochtadh. Cuirfear sonraí na bhforálacha cuí pinsin ar fáil nuair a chinnfear stádas an té a cheapfar;

e) De réir fhorálacha an Ahta um Aoisliúntas na Seirbhíse Poiblí (Forálacha Ilghnéitheacha). 2004, ní ceadmhach do bhaill foirne dul ar scor roimh a 65ú breithlá ach amháin más drochshláinte is cúis leis. Tá socruithe éagsúla scoir i bhfeidhm i gcás foireann a bhí fostaithe sa tseirbhís poiblí roimh an Acht 2004 réamhluaite;

f) Ba chóir aird a thabhairt ar na pointí seo a leanas:

- **Fabhrú Pinsin:** Beidh teorainn 40 bliain ar sheirbhís iomlán a áireamh i leith pinsin i gcás ina mbaineann an duine le níos mó ná scéim pinsin seirbhíse poiblí amháin atá ann cheana. Tháinig an Scéim Aonair, dá bhforáiltear san Acht um Pinsin Seirbhíse Poiblí (Scéim Aonair agus Forálacha Eile) 2012, isteach le héifeacht an 28 Iúil 2012. Is féidir go mbeidh impleachtaí ann d'aon cheapaí a bhfuil cearta pinsin faighte aici/aige i bhfostaíocht seirbhíse poiblí roimhe seo.
- **Laghdú Pinsin:** Leathnaíodh laghdú pinsin faoin Acht um Pinsin na Seirbhíse Poiblí (Scéim Aonair agus Forálacha Eile) 2012 ionas bhfuil go ndéantar laghdú ar phinsean seirbhíse poiblí duine ar bith a théann ar ais isteach i bhfostaíocht seirbhíse poiblí, fiú nuair is i réimse difriúil den tseirbhís poiblí an fhostaíocht nua. Ach más amhlaidh go raibh an té a cheapfar fostaithe sa státseirbhís roimhe seo agus gur bronnadh pinsean air/uirthi faoi shocruithe deonacha luathscoir (seachas Scéim Dreasaíthe Luathscoir (ISER) nó VER/VRS Fheidhmeannacht na Seirbhíse Sláinte, a chuireann an duine as an áireamh don chomórtas, mar a mhínítear thíos), beidh deireadh leis an teidlíocht ar íoc an phinsin sin ó dháta an athcheapacháin. Déanfar socruithe speisialta, áfach, chun seirbhís a thug an té an cheapaí roimhe seo a chur san áireamh ar mhaithe le haon dámhachtain pinsin amach anseo dá gcáileadh an duine sin.
- **Scéim Luathscoir do Mhúinteoirí na Roinne Oideachais agus Scileanna Imlitir 102/2007:** Thug an Roinn Oideachais agus Scileanna isteach Scéim Luathscoir do Mhúinteoirí. Is coinníoll é den Scéim Luathscoir, ach amháin i gcásanna atá leagtha amach i bparagraif 10.2 agus 10.3 den chiorclán reatha, agus sna cásanna sin amháin, má ghlacann múinteoir le scor luath faoi Shnáitheanna 1, 2 nó 3 den scéim seo agus má fhostaítear í nó é ina dhiaidh sin in aon cháil in aon réimse den earnáil poiblí, cuirfear deireadh láithreach le híoc pinsin an duine sin faoin scéim. .Atosófar den phinsean a íoc, más ea, ar chríoch na fostaíochta sin nó ar 60ú breithlá an duine sin, cibé acu is déanaí, ach ar a atosú, bunófar an pinsean ar sheirbhís inríofa iarbhír an duine sin mar mhúinteoir (.i. ní cuirfear na blianta breise a deonaíodh roimhe seo san áireamh agus an íocaíocht pinsin á ríomh).
- **Scor Drochshláinte:** Cuir san áireamh go bhféadfadh pinsean duine a chuaigh ar scor ó chomhlacht státseirbhíse/seirbhíse poiblí ar chúiseanna drochshláinte a bheith faoi réir athbhreithniú de réir rialacha na scéime scoir drochshláinte laistigh den scéim pinsin na fostaíochta sin.

6. **Ranníocaíochtaí Breise Aoisliúntais (RBA):** Déanfar an ceapachán seo faoi réir ASC i gcomhréir le beartas an rialtais [gov.ie – Revised Rates and Thresholds of the Additional Superannuation Contribution with Effect from 1 January 2020 \(www.gov.ie\)](http://www.gov.ie).

7. **Incháilitheacht chun dul san iomaíocht agus srianta áirithe ar incháilitheacht Riachtanais Saoránach.**

Ní mór d'iarrthóirí incháilithe a bheith i gceann de na grúpaí seo a leanas:

1. Saoránaigh den Limistéar Eorpach Eacnamaíoch (LEE). Ballstáit an Aontais Eorpaigh mar aon leis an Íoslainn, an Iorua agus Lichtinstéin atá i gceist leis an LEE; nó
2. Saoránaigh de chuid na hEilvéise de bhua chomhaontú idir an AE agus an Eilvéis ar shaorghluaiseacht daoine; nó
3. Saoránaigh neamh-LEE atá ina chéile nó ina leanbh de shaoránach LEE nó Eilvéiseach agus a bhfuil víosa stampa 4 aige; nó
4. Duine a bhfuil cosaint idirnáisiúnta faighte aige faoin Acht um Chosaint Idirnáisiúnta 2015 nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 aige nó
5. Saoránaigh neamh-LEE ar tuismitheoir í/é de leanbh cleithiúnach atá ina shaoránach de bhallstát LEE nó den Eilvéis agus a bhfuil cónaí air nó uirthi ann agus a bhfuil víosa stampa 4 aici/aige.

Nóta maidir le saoránaigh an RA: Deimhníodh san idirbheartaíocht AE/Breathimeacht RA a cuireadh i gcrích le déanaí go bhfuil an Comhaontú Comhlímistéar Taistil le fada an lá idir an RA agus Éire gan athrú tar éis an Bhreathimeachta. Dá réir sin, tá saoránaigh na RA incháilithe chun dul i mbun oibre agus cónaí in Éirinn gan srian agus, dá bharr sin, iarratas a dhéanamh chun dul isteach sa chomórtas seo i gcás ina gcomhlíonann siad na critéir incháilitheachta cáilitheachta eile go léir

8. **An Scéim Luathscoir Dreasaíthe:** Is coinníoll é den Scéim Luathscoir Dreasaíthe, mar atá leagtha amach in Imlitir 12/09 na Roinne Airgeadais, toirmeasc a bheith ar lucht scoir, faoin scéim sin, iarratas a dhéanamh ar phost eile san fhostaíocht nó san earnáil chéanna. Mar sin, ní ghlacfar le hiarratais ó dhaoine atá ag baint leas as an scéim sin.
9. **Ciorclán na Roinne Sláinte agus Leanaí (7/2010):** Tugadh isteach le Ciorclán 7/2010 na Roinne Sláinte agus Leanaí den 1 Samhain 2010 Spriocscéim le haghaidh Luathscor Deonach (VER) agus Iomarcaíocht Dheonach (VRS). Is coinníoll den scéim VER é nach gcáileoidh daoine a bhaineann leas as an scéim le cur isteach ar athfhostaíocht san earnáil sláinte poiblí nó san earnáil poiblí i gcoitinne, nó i gcomhlacht a mhaoinítear go hiomlán nó go páirteach as cistí poiblí. Tá feidhm ag an gcosc céanna ar athfhostaíocht faoin scéim VRS ach ní mhairfidh an cosc ach go ceann seacht mbliana agus caithfidh an tAire Caiteachais Phoiblí agus Athchóirithe toiliú a thabhairt i gcás aon athfhostaithe ina dhiaidh sin. Daoine a bhain leas as aon cheann den dá scéim sin, ní cháileoidh siad chun dul isteach sa chomórtas seo.
10. **Comhaontú Comhchoiteann: Íocaíochtaí Iomarcaíochta le Seirbhísigh Phoiblí**
Le litir ón Roinn Caiteachais Phoiblí agus Athchóirithe dar dáta an 28 Meitheamh 2012 d'Oifigigh Pearsanra, tugadh isteach, le héifeacht ó 1 Meitheamh 2012, Comhaontú Comhchoiteann a rinneadh idir an Roinn Caiteachais Phoiblí agus Athchóirithe agus Coiste Seirbhísí Poiblí an ICTU maidir le híocaíochtaí iomarcaíochta ex-gratia do sheirbhísigh poiblí. Is coinníoll den Chomhaontú Comhchoiteann é nach mbeidh daoine a bhaineann leas as an gcomhaontú cáilithe lena n-athfhostú sa tseirbhís poiblí in aon chomhlacht seirbhíse poiblí (mar a shainítear sna Beartais Éigeandála Airgeadais sna hAchtanna um Leas an Phobail 2009–2011) go ceann dhá bhliain ó fhoirceannadh na fostaíochta. Ina dhiaidh sin beidh toiliú an Aire Caiteachais Phoiblí agus Athchóirithe de dhíth sula n-athfhostaítear an t-iarrthóir. Daoine a bhain leas as an scéim seo agus a

d'fhéadfadh áit a bhaint amach sa chomórtas seo, beidh orthu a chruthú go gcáilíonn siad chun an post a ghlacadh (deireadh a bheith tagtha leis an tréimhse neamhcháilitheachta) agus beidh toiliú an Aire de dhíth sular féidir glacadh le haon fhostaíocht le comhlacht seirbhíse poiblí.

11. Dearbhú stair fostaíochta seirbhíse poiblí roimhe seo:

Iarrfar ar iarratasóirí dearbhú a thabhairt cibé ar bhain siad leas roimhe seo as scéim luathscoir dreasaithe seirbhíse poiblí. agus/nó as an gcomhaontú comhchoiteann a rianaíodh thuas. Beidh ar iarratasóirí, leis, dearbhú a thabhairt maidir le haon teidlíocht atá acu ar phinsean Seirbhíse Poiblí (atá á híoc nó á chaomhnú) ó aon fhostaíocht Seirbhíse Poiblí eile agus/nó cibé an bhfuair siad íocaíocht in ionad i dtaca le haon seirbhís in aon fhostaíocht Seirbhíse Poiblí.

An Próiseas Iomaíochta

Conas iarratas a dhéanamh:

Ba chóir iarratas a dhéanamh trí CV reatha agus litir chumhdaigh a chur isteach, mar aon le ráiteas tacaíochta mar a mhínítear thíos ina leagtha amach a oiriúnaí atá an t-iarrthóir don phost, i ríomhphost chuig Celine Kelly, Bainisteoir Acmhainní Daonna ag recruit@qqi.ie roimh a 5 tráthnóna ar 14 Aibreán 2023.

Ráiteas Tacaíochta: Caithfear ráiteas tacaíochta **a chur ar fáil** – tabhair na cúiseanna a bhfuil tú ag cur isteach ar an bpost/ar na poist seo. Déan tagairt do na hinniúlachtaí atá leagtha amach sa roinn “Eolas agus Taithí Riachtanach” agus mínigh an tslí a gcomhlíonann tú gach inniúlacht díobh trí shampla amháin ar a laghad a sholáthar (300 focal ar a mhéad go gach sampla)..

Ceanglófar ar iarratasóirí dearbhú mar atá tugtha i bparagraf 11 a sholáthar.

Ní ghlacfar le hiarratais tar éis an dáta deiridh

Modhanna Roghnúcháin

Is féidir iarrthóirí a ghearrliostú ar bhonn na faisnéise a chuireann siad ar fáil ar a bhfoirm iarratais mar chuid den phróiseas roghnúcháin

- agallamh
- teistiméireachtaí sásúla (ní dhéanfar teagmháil le teistiméirí gan comhaontú an iarrthóra a fháil roimh ré)

Forchoimeádann Dearbhú Cáilíochta agus Cáilíochtaí Éireann an ceart iarraidh ar iarrthóirí an dara hagallamh a dhéanamh.

Gearrliostú

De ghnáth is mó iarratas a fhaightear ar phost ná an líon is gá chun folúntais atá anois ann agus folúntais todhchaí sa phost seo a líonadh. I gcás ina gcomhlíonann iarrthóir riachtanais

cháilitheachta an chomórtais, más amhlaidh go gcuireann líon chomh mór sin isteach ar an gcomórtas nach mbeadh sé praiticiúil an uile iarrthóir a chur faoi agallamh, féadann QQI cinneadh a dhéanamh gan ach líon beag a chur faoi agallamh. Maidir leis seo, déanann QQI soláthar le haghaidh próiseas gearrliostaithe chun grúpa a roghnú le cur faoi agallamh ar cosúil, bunaithe ar scrúdú ar na foirmeacha iarratais, gurb iad is oiriúnaí don phost. Scrúdóidh bord saineolaithe na foirmeacha iarratais i gcomparáid le critéir réamhshainithe bunaithe ar riachtanais an phoist. Ní hionann sin is a rá go bhfuil na hiarrthóirí eile neamhoiriúnach nó neamhábalta don phost, ach go bhfuil iarrthóirí áirithe a ndéalraíonn sé, bunaithe ar a bhfoirm iarratais, go bhfuil cáilíochtaí nó taithí níos ábhartha acu. Mar sin is é do leas é cuntas mionsonraithe agus cruinn ar do cháilíochtaí/taithí a chur ar fáil i d'iarratas.

Rúndacht

Faoi réir fhorálacha an Achta um Shaoráil Faisnéise, 1997, leasaithe, caithfear le gach iarratas mar iarratas faoi rún.

Eolas tábhachtach eile

Ní bheidh QQI freagrach as aon chostais a thabhoídís iarrthóirí.

Ní chiallaíonn sé, má ghlactar le duine isteach i gcomórtas, nó má fhaigheann sí/sé cuireadh chun agallaimh, go bhfuil QQI sásta go gcomhlíonann an duine sin riachtanais an chomórtais nó nach bhfuil sí/sé dícháilithe faoin dlí don phost agus ní aon ráthaíocht é go mbreithneofar an t-iarratas tuilleadh. Tá sé tábhachtach, mar sin, go dtuigfeá gur ortsa an t-ualach a chinntiú go gcomhlíonann tú na riachtanais cháilitheachta don chomórtas sula dtagann tú chun agallaimh. Mura gcomhlíonann tú na bunriachtanais iontrála seo ach má thugann tú chun agallaimh, beidh tú ag tarraingt costais neamhriachtanacha ort féin.

Sula moltar iarrthóir ar bith a cheapadh sa phost seo, déanfaidh QQI gach fiosrú is dóigh atá riachtanach chun a fháil amach an bhfuil an t-iarrthóir oiriúnach. Ní féidir aon chinneadh deiridh a dhéanamh go dtí go mbeidh gach céim den phróiseas earcaíochta curtha i gcrích, agus níor chóir a mheasadh ná glacadh leis go bhfuil an cinneadh déanta.

Má dhiúltaíonn an té a mholtar don phost glacadh leis an bpost, nó tar éis glacadh leis, má fhágann sí/sé é nó má thagann folúntas breise chun cinn, féadfaidh QQI, faoina lánrogha féin, duine eile a roghnú agus a mholadh lena cheapadh, bunaithe ar thorthaí an phróisis roghnúcháin seo.

Oibleagáidí iarrthóirí

Cuirtear in iúl d'iarrthóirí go ndícháileoidh canbhasáil agus go gcuirfear amach as an gcomórtas iad dá bharr.

Níor chóir d'iarrthóirí:

- faisnéis bhréagach a chur ar fáil go heolach nó go meargánta
- duine ar bith a chanbhasáil le spreagadh nó gan spreagadh
- cur isteach ar an bpróiseas nó dochar ar bith a dhéanamh dó

Ní ceadmhach do thríú páirtí iarrthóir a phearsanú ag céim ar bith den phróiseas.

Duine ar bith a sháraíonn ceann de na forálacha thuas nó a chabhraíonn le duine ar bith aon cheann de na forálacha thuas a shárú, beidh sé nó sí ciontach i gcoir. Duine ar bith a fhaightear ciontach i gcion, dlífead é/í tar éis an phróisis earcaíochta i dtrácht, géillfidh sé/sí an ceapachán sin.

Anuas ar sin, i gcás ina raibh nó ina bhfuil duine a ciontaíodh i gcion ina iarrthóir sa phróiseas earcaíochta, ansin:

- i gcás nár ceapadh sa phost í/é, dícháileofar í/é mar iarrthóir; agus
- i gcás inar ceapadh é/í tar éis an phróisis earcaíochta i dtrácht, géillfidh sé/sí an ceapachán sin.

Iarrthóireacht a mheas mar iarrthóireacht atá tarraingthe siar

Iarrthóirí nach dtagann chun agallaimh nó scrúdaithe eile san áit agus ag an am a shocróidh QQI, nó nach soláthraíonn fianaise a iarrann QQI orthu, nuair a iarradh é, maidir le haon ghnó atá bainteach lena n-iarrthóireacht, ní bheidh siad i dteideal aon bhreithnithe eile.

Seirbhís Cháilíochta do Chustaiméirí

Féachaimid le seirbhís ar ardchaighdeán a chur ar fáil dár gcustaiméirí uile. Má tá tú míshona, ar chúis ar bith, le gné ar bith den tseirbhís a fuair tú uainn, iarraidimid ort é sin a chur in iúl don aonad nó don bhall foirne i dtrácht. Tá tábhacht leis seo mar go gcinntíonn sé go mbíimid ar an eolas faoin bhfadhb agus gur féidir linn gníomhú chun an fhadhb a réiteach.

Cuirfear aiseolas ar fáil ach iarratas a dhéanamh i scríbhinn.

Na hAchtanna um Chosaint Sonraí, 1988–2018

Nuair a gheofar d'fhoirm iarratais, cruthófar taifead faoi d'ainm, ina gcoinneofar mórchuid den fhaisnéis phearsanta a chuireann tú ar fáil. Ní úsáidtear an taifead pearsanta seo ach amháin chun d'iarrthóireacht a phróiseáil agus coinneoidh QQI eolas áirithe a chuireann tú ar fáil, má éiríonn leat sa chomórtas. Coinnítear an t-eolas sin faoi réir na gceart agus na n-oibleagáidí atá leagtha amach sna hAchtanna um Chosaint Sonraí, 1988 & 2018. Chun iarratas a dhéanamh faoi na hAchtanna um Chosaint Sonraí, 1988 & 2018, seol iarratas i scríbhinn chuig: Saoráidí, QQI, 26 – 27 Lána Denzille, Baile Átha Cliath 2, agus cinntigh go ndéanann tú cur síos ar na taifid atá uait a mhéad is féidir chun gur féidir linn an taifead i dtrácht a shainaithint. Ba chóir €6.35 de tháille a chur leis an iarratas. Ba chóir an íocaíocht a dhéanamh i bhfoirm dréacht bainc, ordú airgid nó seic phearsanta, iníochta le 'QQI'

Cuspóir na Próiseála

Seolann QQI próisis earcaíochta chun folúntais san eagraíocht a líonadh. Agus iarratasóirí ag cur isteach ar na comórtais seo, iarrtar orthu raon doiciméad a chur isteach, m.sh. foirm iarratais, CV agus/nó litir chlúdaigh.

Faighiteoir/Comhroinnte le	Cúis
Recruitment Plus/QQI HR	Iarratais a fháil agus a admháil agus comhfhreagras a dhéanamh le hiarratasóirí Is gá faisnéis áirithe le cur san áireamh i gconarthaí d'iarratasóirí a n-éiríonn leo
Bord Roghnúcháin	Faisnéis is gá don ghearrliostú agus don phróiseas agallaimh
Fostóir reatha	Seiceálacha ar shaoire bhreiteachta agus seiceálacha ar theistiméirí i gcás iarratasóirí nach seirbhísigh phoiblí iad

Teidlíochtaí na nIarratasóirí

Aithníonn go bhfuil teidlíochtaí ag iarratasóirí agus tá na teidlíochtaí sin leagtha amach thíos.

Rochtain

- Féadfaidh iarratasóirí a gcuid sonraí a iarraidh agus a fháil uair ar bith agus cóip de na sonraí seo a iarraidh agus a fháil, i bhformáid leictreonach/inaistrithe.

Léirsciosadh

- Féadfaidh iarratasóirí léirsciosadh na sonraí atá i seilbh a iarraidh.

Ceartú

- Féadfaidh iarratasóirí ceartú a dhéanamh ar aon fhaisnéis mhícheart.

Agóid

- Féadfaidh iarratasóirí agóid a dhéanamh in aghaidh phróiseáil na faisnéise seo.

Gearáin

Féadfaidh iarratasóirí gearán a dhéanamh lenár nOifigeach Cosanta Sonraí "OCS" (sonraí teagmhála thíos) agus/nó gearán a dhéanamh leis an údarás cuí – an Coimisiún um Chosaint Sonraí in Éirinn

Sonraí teagmhála OCS QQI

Ríomhphost: dpo@qqi.ie

Nó

Oifigeach Cosanta Sonraí
Dearbhú Cáilíochta agus Cáilíochtaí Éireann
26 – 27 Lána Denzille
Baile Átha Cliath 2.
D02 P299

Gheofar tuilleadh eolas ar chosaint sonraí:

Ar shuíomh gréasáin an Choimisinéara Cosanta Sonraí – www.dataprotection.ie

Déan teagmháil le hOifig an Choimisinéara Cosanta Sonraí ar an bhfón ar 1890 252231 nó le ríomhphost ar info@dataprotection.ie